



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e pranimit të ekspertit	Data e dorëzimit të raportit	Nr. i lëndës
Ilir Halili	26.01.2024	06.02.2024	2024/0046

BAZA LIGJORE E SHQYRTIMIT

Me datën: 14.01.2024, OE “LEDI SH.P.K.”- Prishtinë, ka parashtruar ankesë me nr: 2024/0046, kundër njoftimit për kontratë, kundër njoftimit për dhënie të kontratës ku është rekomanduar për kontratë OE “LEDI SH.P.K.”- Prishtinë, apo kundër anulimit të aktivitetit të prokurimit, lidhur me aktivitetin e prokurimit: “Marrje me qera të kamioneve për grumbullimin e mbeturinave- Ritender- LOTO” me nr. të prokurimit: "Vete Financim-23-12173-2-1-1", iniciuar nga Autoriteti Kontraktues (AK) – K.Regjionale e Mbeturinave" Pastrimi " SH.A..Autoriteti kontraktues ka zbatuar procedurë t? hapur, negocuar, kufizuar, lloji i kontratës: punë, furnizim, shërbim, vlera e parashikuar e kontratës: xx,xxx €. Nëse është e përsëritur ankesa, të shënohet se lidhur me këtë lëndë është nxjerr një vendim i mëparshëm i OSHP - së, më Nr. 2024/0046 i dt:14.01.2024.Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

AK-KRM PASTRIMI SH.A – Prishtinë në aktivitetin e prokurimit me titull: “Marrje me qera të kamioneve për grumbullimin e mbeturinave- Ritender – LOTO (LOT 2, 5 dhe 6)” ka rekomanduar për kontratë një OE. me çmim me të shtrenjtë duke na kaluar neve si OE me çmim me të lirë, që i plotësojmë të gjitha kriteret e DT-se dhe NJK-se dhe duke e rekomanduar me kontratë një OE me çmim më të shtrenjtë.

Pra, ne si OE LEDI SHPK, jemi OE i pergjegjshem duke i plotesuar te gjitha kriteret e DT-se dhe NJK-se, AK-KRM PASTRIMI e ka rekomanduar per kontrate OE HEXAGON GROUP per LOT 2,5 dhe 6, i cili ka ofertuar me cmim per LOT-23,400.00 € per LOT 2, 5 dhe 6, kurse ne si OE kemi ofertuar me cmim 21,500.00 € apo 1,900.00 € më lirë per LOT se OE i rekomanduar.

Pra, me kete veprim AK ka demtuar buxhetin e AK-se per 3 LOT-et,. me vlere prej 5,700.00 €.

Me keto veprime, duke na eliminuar neve si OE i pergjegjshem, Autoriteti Kontraktues ka bërë vlerësim të ofertave në kundërshtim me dispozitat ligjore të LPP-se, konkretisht neni 1, neni 6, neni 7, neni 59, neni 60, neni 69 dhe neni 72 të LPP-së, poashtu ne kundërshtim me vendimin e Kerkeses per rishqyrtim te dates 20.11.2023, e qe sipas kerkeses per rishqyrtim qe ka bere nje OE ne fazen e tenderimit, pergjigje e AK-se (Vendim i AK-se per rishqyrtim), lidhur me pretendimin ankimor i cili ka qene qe te hiqen nga kriteri librezat e pajisjeve, kurse AK ne kerkesen per rishqyrtim per librezat e pajisjeve ka thene (citim):

Pra, shume qarte ne kete vendim lidhur me librezat RKS thote (citim):

Te Kerkesa e DT-se ASETET DUHET TE KENE LIBREZA TE REGJISTRIMIT
TE CILAT DUHET TE JENE RKS VALIDE, pergjigje e AK-se per kete pike thote:
NE PRANIM TE MALLIT (PAS KONTRAKTIMIT).

Pra, Kamionet duhet te jene RKS valide ne pranim te mallit, pas kontraktimit.

Kurse Zyra e prokurimit ka shkel kriterin e vet, dhe ne letren standarde per eliminim

Pra, Arsyetimi i AK-se per eliminimin tone ka qene :

OE nuk i ka sjellur librezat per lotot 2,5,6, dhe AK, konkretisht Zyra e Prokurimit e ka shkelur vendimin e vet te dates 20.11.2023 qe thote se librezat kerkohen pas kontraktimit apo ne pranim te mallit.

Vlen te ceket se ne si OE jemi rekomanduar per kontrate per LOT 1, 3, 4 dhe 7, ku ne si OE kemi pasur kamionet e regjistruar per 3 LOT-et, kurse per nje LOT nuk e kemi pasur te regjistruar, por vetem me DUD Doganor, vet AK e ka pranuar, dhe

eshte per qudi me veprimet qe ka bere AK, konkretisht ZYRA E PROKURIMIT, per nje LOT e pranon me DUD-Doganor me libreze te Zvicres – kamioni IVECO, duke i respektuar kriteret e Dosjes dhe Vendimin e kerkeses per rishqyrtim, kurse per LOT-et tjera, arsyetohet pa asnje baze ligjore, por ne menyre injorante se nuk keni prezantuar librezat e kamioneve per 3 LOT-et.

Shkeljet e tilla duhet te sanksionohen sipas ligjit ne fuqi, sepse asnje Autoritet nuk eshte mbi Ligjin.

Kjo eshte shkelje flagrante e LPP-se dhe per keto veprime duhet te mirren masa ndaj Z.P te Prokurimit, per keto veprime antiligjore dhe ne rast se nuk korrigjohet do ti kerkojme edhe KRPP-se, per marrjen e licences sipas nenit 25 te LPP-se

Konkretisht sipas paragrafit 8 te nenit 25 te LPP-se, e qe thote: Çdo certifikatë e prokurimit e lëshuar nga KRPP-ja ose IKAP-i mund të anulohet nga KRPP-ja nëse konstatohet se personi i cili e posedon atë certifikatë nuk i plotëson ose më nuk i plotëson kushtet e kualifikimit të përcaktuara në nenin 23 të këtij ligji ose ka bërë një shkelje të rëndë të këtij ligji ose të rregullave të prokurimit. Nëse poseduesi i certifikatës është nëpunës civil, procesi i anulimit duhet të bëhet në përputhje të plotë me kërkesat e Ligjit për Shërbimin Civil. Nëse poseduesi i certifikatës nuk është nëpunës civil, KRPP-ja duhet ti dërgojë këtij personi një njoftim paraprak me shkrim prej nëntëdhjetë (90) ditëve për qëllimin e anulimit të certifikatës së tij/saj; ky njoftim i jep personit në fjalë të drejtën e ankesës sipas Ligjit për Procedurën Administrative. Nëse pas përfundimit të procedurës së ankesës sipas Ligjit për Procedurën Administrative, personi në fjalë është i pakënaqur me rezultatin, atëherë ai mund të ankohet për anulimin e certifikatës në Gjykatën Themelore – Departamenti për çështje administrative.

Pra, veprimet e tilla te nje zyrtari pergjegjes rezultojne qe te merren masa ndaj tij, sipas paragrafit 8 te nenit 25 te LPP-se.

Veprimet e tilla pos diskriminimit sipas nenit 7 (Barazia ne trajtim/jo diskriminimi), qe eshte e drejte e mbrojtur jo vetem me Ligjin e Prokurimit, por edhe me Kushtetuten e Kosoves, kurse nje AK siq eshte KRM PASTRIMI SHA, pa asnje baze ligjore na

eliminon padrejtesisht duke i shkelur kriteret e DT-se te cilat i ka kerkuar edhe te

ANEKSI 1 - SPECIFIKIMI TEKNIK I DETYRUESHEM

Poashtu, me keto veprime edhe ne vendimin e Kerkeses per rishqyrtim AK ka thene se Librezat duhet te sjellen pas kontraktimit dhe nuk thuhet para kontraktimit .

Njekohesisht AK-KRM PASTRIMI ka demtuar buxhetin publik te qytetareve pa asnje te drejte ligjore.

Andaj, siq e dini edhe ju si OSHP, qellim i LPP-se, eshte kursimi i buxhetit publik, konkretisht kete e sqaron Neni 1 i LPP-së. Pra, qëllimi kryesor i nenit 1 te LPP-se është që të siguroj mënyrën më efikase dhe transparente në shfrytëzimin e fondeve publike, kurse AK në këtë rast ka vepruar në kundërshtim duke rekomanduar një operator për kontratë i cili është me çmim më të shtrenjtë dhe duke demtuar buxhetin publik, qe bie ndesh me ligjin e prokurimit qe ka per qellim, ruajtjen e fondeve publike.

AK nuk e ka marr parasysh Ekonomicitetin dhe efikasitetin, ashtu siq e sqaron edhe nenin 6 i LPP-se, por AK me keto veprime antiligjore ne dem te buxhetit publik, ka shkelur dispozitat ligjore. Poashtu veprimet diskriminuese te nje Autoriteti Kontraktues, qe ka per qellim ta respektoj edhe Nenin 7 të LPP-së bazuar në këtë ne si OE jeni në anën e kursimit të buxhetit krahasuar me OE të rekomanduar per kontrate ka qene dasht te na trajtoj gjithë OE-ve pjesemarres duke respektuar kriteret e DT-se dhe NJK-se. Por jo si ne rastin konkret siq ka vepruar AK duke e demtuar buxhetin dhe duke mos na trajtuar te gjithëve te barabarte.

Pra, me keto veprime, AK ka bere shkeljen e nenit 59 të LPP-së Ekzaminimi, Vleresimi dhe krahasimi i Tenderëve, ku gjate procesit te vleresimit, nuk ka kërkuar sqarime me qëllim të jetë një vlerësim sa ma real dhe te drejte e jo komisioni i vleresimit te mos i respekton kriteret e vet percaktuara nga AK, dhe duke mos e respektuar LPP-ne.

Veprimet e tilla antiligjore qojne ne vazhdimin e procedurave tjera kundrejt AK-se ne organet kompetente dhe kunder Zyrtarit pergjegjes te prokurimit.

AK ka vepruar në kundërshtim me Nenin 60 te LPP-së - Kriteret për dhënien e Kontratës, sipas ketij neni duke rekomanduar për kontratë një OE i cili është me çmim

shumë ma të lart në dem të buxhetit dhe të neve si OE jemi të përgjegjshëm me çmimin ma të lirë sipas DT-se.

Arsyet e eliminimit janë të paqëndrueshme të AK-se, dhe ky veprim rezultoi që AK të del në kundërshtim me Nenin 69 të LPP-së.

Gjithashtu AK është detyrë të kërkojë dëshmi apo sqarime shtesë në mënyrë që ta bëjë një vlerësim korrekt dhe të saktë të aktivitetit të prokurimit duke i shterrur të gjitha mundësit ligjore që qojnë në nxjerrjen e OE të përgjegjshme, duke kursyer buxhetin publik, e jo siq keni vepruar ju si AK.

Pra, sipas dispozitave ligjore AK ka bërë shkeljen e Nenit 72 të LPP-së Dokumentacioni dhe informacioni shtesë, ku AK KRM PASTRIMI SH.A nuk na ka kërkuar informacione shtesë por AK nuk e ka parë të arsyeshme të sqaron çdo paqartësi sipas nenit 72 të LPP-se, por qëllimin e vetëm e ka patur eliminimin tonë për LOT 2, 5 dhe 6 të këtij aktiviteti.

Në si OE i kemi plotësuar të gjitha kërkesat e njoftimit për kontratë dhe të DT në përpikëri si dhe jemi OE i përgjegjshëm me çmimin më të lirë dhe si i vetëm në garë për vlerësim dhe nuk jemi në tejkalim të buxhetit të paraparë, pasi që OE i rekomanduar nuk i plotëson kushtet / kriteret e kërkuar në DT, me kriterin e çmimit më të lirë.

Në rastin konkret kushti për shpërblimin me kontratë ka qenë: Tenderin e përgjegjshëm me çmimin më të ulët, që ka të bëjë me pikën 1.1 të këtij Neni dhe AK-ja ka bërë shkelje duke rekomanduar për kontratë një OE që nuk i ka plotësuar kërkesat sipas DT.

Bazuar në pretendimet e cekura më lart kërkojmë nga OSHP që të marrë:

V E N D I M

APROVOJ si të bazuar ankesën e OE LEDI SHPK, dhe të

ANULOJ Vendimin e AK-se, i cili nuk është vendim i drejtë konform dispozitave ligjore por është diskriminues ndaj neve si OE i përgjegjshëm, dhe lenda të kthehet në

RIVLERESIM, që në fazën e rivleresimit pasi që ne jemi OE i përgjegjshëm sipas kriterëve të DT dhe NJK-se, të

SHPERBLEHEMI me kontrate, ku ne i plotesojmë kriteret e DT-se, dhe ne rast se ka paqartesi AK ne fazen e ri-vleresimit, mund te na kerkon sqarime shtese sipas nenit 72 te LPP-se.

KRITERET PËR VLERËSIM

Kërkesat mbi mundësitë teknike dhe/ose profesionale	9.1 & 9.2	<p><u>Tehniqe i profesionale</u> <u>moçnosti</u></p> <p>1.Operatori ekonomik duhet të ofrojë dëshmi se ka përfunduar me sukses kontrata te ngjashme, në 3 (tri) vitet e fundit (duke filluar nga data e publikimit te Njoftimit për kontratë)</p> <p>2. Operatori Ekonomik duhet te posedoje minimum 7 kamion sipas specifikimeve teknike te paraqitura ne Aneksin 1 për realizimin e projektit</p>	<p><u><i>Dëshmia e kërkuar dokumentare:</i></u></p> <p>1.Një listë te kontratave të realizuara, ku duhet saktësuar titullin e kontratës, shumën e kontratës, datën e fillimit dhe datën e përfundimit dhe përfituesin, si dhe listës ti bashkëngjiten referencat ose certifikatat për kryerje te furnizimeve si dhe listës ti bashkëngjiten referenca ose certifikata për kryerje te furnizimeve (i) nese sherbimi është bërë për një autoritet kontraktues publik në Kosovë ose në një vend tjetër, për dëshmi të këtij livrimi ekzekutimi shërben nje Leter Reference te leshuar nga ana e AK ose fletdergese fletpranim ose dokumentit per pranim teknik te puneve, e cila duhet te jete e nenshkruar nga ana e AK.; (ii) nese sherbimi është bërë për një klient privat, për dëshmi të këtij livrimi ekzekutimi shërben kopja e çdo dokumenti të nënshkruar nga klienti qe evidenton nje ekzekutim të tillë.</p> <p>2. Lista e aseteve me pajisjet përcjellëse, duhet të kenë librezat te regjistrimit te dëshmohen me kopje. Ne rastet kur OE ka mareveshje per shfrytëzimin, OE duhet te dorezoj edhe mareveshien per shfrytëzim.</p>
---	-----------	--	---

ANEks 1 SPECIFIKIMET TEKNIKE TË DETYRUESHME



1	VITI I PRODHIMIT	MIN.1997
2	PESHA BARTËSE TË JETË	MIN. 2000 KG- MAX-12500KG
3	KAMIONI TI KETË TË GJITHA PAJISJET DHE ELEMENTET E NEVOJSHME FUNKSIONALE	PA DEFEKTE
4	PAJISJET SINJALIZUESE	FUNKSIONALE
5	ASETET DUHET TË KENË LIBREZA TË REGJISTRIMIT TË CILAT DUHET TË JENË RKS VALIDE	NE PRANIM TE MALLIT (PAS KONTRAKTIMIT)
6	<u>KAMIONËT DO TË VENDOSEN NË PARKINGUN E AK-SË DERI NË PËRFUNDIM TË KONTRATËS;</u>	6 MUAJ
7.	MOTORRI	DIZEL

Me rastin e përzgjedhjes së operatorit ekonomik të rekomanduar. Komisioni Pranues do të del në teren për verifikimin dhe shqimin e aseteve dhe gjendjen e tyre teknike sipas specifikimeve teknike.

Asetet duhet te vendosen ne parking e AK deri ne perfundim te kontrates (24 h).

Kamionet duhet te kene mekanizem funksional per ngritje te kontejnereve 1.1 m3.

RAPORTI I KOMISIONI VLERËSUES

(VENDIMI MBI RISHQYRTIM)

Pergjigje per Operatorin Ekonomik nga Autoriteti Kontraktues:

Autoriteti Kontraktues pas pranimit te kerkeses per rishqytrim ka shqyrtuar ate, dhe i ka hedhur poshte pretendimet e Operatorit Ekonomik, LEDI SH.P.K., ramadan rexhepi, 7, ferizaj, Kosovë.

Autoriteti kontraktues ka shpalle njoftimin per kontrate me date 02.11.2023, ku specifikohet sakt ne faqen 5/7 pika III.2.4) Kapaciteti teknik dhe profesional: 2. Operatori Ekonomik duhet te posedoje minimum 1 kamion sipas specifikimeve teknike te paraqitura ne Aneksin 1 për realizimin e projektit, Dëshmia e kërkuar dokumentare: 2. Lista e asetëve me pajisjet përcjellëse, duhet të kenë librezat te regjistrimit te dëshmohen me kopje. Ne rastet kur OE ka mareveshje per shfrytëzimin, OE duhet te dorezoj edhe marreveshjen per shfrytëzim. (shiko bashkangjitur). I njejt informacion eshte dhene edhe ne Dosjen e Tenderit te shpallur me daten 02.11.2023 tek Kërkesat mbi mundësitë teknike dhe/ose profesionale: 9.1 & 9.2, pika 2:

Operatori Ekonomik duhet te posedoje minimum 1 kamion sipas specifikimeve teknike te paraqitura ne Aneksin 1 për realizimin e projektit, Dëshmia e kërkuar dokumentare: 2. Lista e asetëve me pajisjet përcjellëse, duhet të kenë librezat te regjistrimit te dëshmohen me kopje. Ne rastet kur OE ka mareveshje per shfrytëzimin, OE duhet te dorezoj edhe marreveshjen per shfrytëzim.

Pra, Operatori Ekonomik kane qene **dy heresh** i informuar qe gjate vleresimit ofertat e tyre duhet te permbajne listen e asetëve me pajisjet përcjellëse, te cilat duhet të dëshmohen me librezat te regjistrimit (kopje).

Sqarimi 1:

Pas pranimit te ofertes, ne procesin e vleresimit, OE sjell vetem nje libeze dhe nuk percakton se cili kamion i perket cilit LOT. AK duke respektuar Nenin 72 te LPP-së, permes letres standarde per sqarim te dates 12.12.2023 kerkon librezat dhe klasfikimin e kamioneve neper Loto.

OE sjell sqarim te manget per pikat e kerkuara dhe nuk pretendon qe kerkimi i librezave rezulton ne shkelje sic po pretendon tani ne kerkesen per rishqytrim.

Sqarimi 2:

OE nuk sjell te gjitha informacionet tek faza e pare e sqarimit (librezat dhe kategorizimin per disa lot), dhe AK **perseri** duke respektuar Nenin 72 te LPP-së, permes letres standarde per sqarim te dates 21.12.2023 kerkon informacionet plotesuese per lot 2,4,5,6,7 (librezat dhe kategorizimin e lotove), perseri OE sjell plotesim per pikat e kerkuara dhe nuk pretendon qe kerkimi i librezave rezulton ne shkelje sic po pretendon tani ne kerkesen per rishqytrim.



Vlene te ceket qe Autoriteti Kontraktues tek Dosja e Tenderit dhe tek Njoftimi per kontrate ka kerkuar listen e pajisjeve me libreza percjellese **per verifikim te automjeteve** (nuk i ka kerkuar librezat valide ne menyre qe mos te demtohen OEte ne rast te jo shperblimit me kontrate), MIRPO, keto libreza te cilat jane prezantuar ne oferten e OEve te shperblyer me kontrate, **DUHET** te jene **RKS valide, PAS KONTRAKTIMIT**, sic eshte percaktuar ne Ankesin 1, Dosja e Tenderit.

Si perfundim OE nuk sjell libreza per LOT 2, LOT,5 dhe LOT 6.

Zyrtari Pergjegjes i Prokurimit bazuar ne ato qe u thane me lart ka vendosur si ne dispozitiv.

Këshilla juridike:

Kundër këtij vendimi, ankuesi mund të paraqesë ankesë pranë OSHP-së.

Ankesa prane OSHP-se duhet te dorezohet brenda 10 (dhjete) diteve pas pranimi te ketij vendimi.

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

VLERËSIMI SIPAS NENIT 4.1.26 TË LPP

VENDIMET E MËPARSHME TË OSHP LIDHUR ME RASTET E NGJASHME

ARSYETIMI PËR DEVIJIM NGA PRAKTIKA E MËPARSHME

PËRGJIGJE NË PRETENDIMET ANKIMORE TË OE ANKUES - LEDI SH.P.K.

Pretendimi kryesor ankimorë sipas ankesës nr.46/24 ka të bëjë me arsyen e eliminimit të OE ankues

për lotet 2, 5 dhe 6, ku sipas AK-së OE ankues nuk ka sjell librezat për lot 2, 5, 6.

OE ankues pretendon se një gjë e tillë sipas dosjes së tenderit aneksi 1, librezat të regjistrimit të cilat duhet të jenë RKS valide janë kërkuar të ofrohen me rastin e pranimit të mallit (PAS KONTRAKTIMIT), andaj nuk mund të përdoren si arsye për eliminim të Operatorit ekonomik.

OE ankues shton se me rastin e përgjigjes së AK-së në kërkesë për rishqyrtim të një OE, AK ka refuzuar pretendimin për tu hekur pika 5 e aneksit 1, ku sipas AK-së :

“...Pra, shume qarte ne kete vendim lidhur me librezat RKS thote (citim):

Te Kerkesa e DT-se ASETET DUHET TE KENE LIBREZA TE REGJISTRIMIT

TE CILAT DUHET TE JENE RKS VALIDE, pergjigje e AK-se per kete pike thote:

NE PRANIM TE MALLIT (PAS KONTRAKTIMIT).

Pra, Kamionet duhet te jene RKS valide ne pranim te mallit, pas kontraktimit.”

Pas analizimit të pretendimeve ankimore, kërkesës për rishqyrtim, përgjigjes së AK-së, si dhe dosjes së tenderit, kemi gjetur se AK në dosje të tenderit FDT pika 9.1&9.2 ka kërkuar :

“Lista e aseteve me pajisjet përcjellëse, duhet të kenë librezat të regjistrimit të dëshmuar me kopje. Në rastet kur OE ka marrëveshje për shfrytëzimin, OE duhet të dorëzojë edhe marrëveshjen për shfrytëzim.”

Ndërsa në aneksin 1, pika 5 ka kërkuar :

ASETET DUHET TË KENË LIBREZA TË
REGJISTRIMIT TË CILAT DUHET TË JENË RKS
VALIDE

NE PRANIM TE MALLIT (PAS
KONTRAKTIMIT)

Mendimi i ekspertit është se librezat RKS valide decidivisht është kërkuar “në pranim të mallit-**pas kontraktimit**”, ndërsa në FDT është kërkuar vetëm “librezat të regjistrimit” (pa RKS).

Nga dëshmitë ofruara nga OE ankues, i njëjti posedon dëshmori doganor dhe librezat të qarkullimit nga shteti prej ku janë blerë kamionët, ndërsa për librezat RKS valide siq e potencuam më lart ato kërkojnë pas kontraktimit.

Meqenëse LPP dhe rregullat e prokurimit në fuqi i obligojnë AK-të që të hartojnë dosje dhe kërkesa të qarta, në të njëjtën kohë nuk e rregullojnë problematikën e kërkesave/dispozitave të paqarta, mendimi i ekspertit është në rastin konkret mund të referohemi në nenin 86 nga LIGJI NR. 04/L-077 PËR MARRËDHËNIET E DETYRIMEVE.

“Në rastin kur kontrata është lidhur sipas përmbajtjes së shtypur që më parë, ose kur kontrata ka qenë në ndonjë mënyrë e përgatitur dhe e propozuar nga njëra palë kontraktuese, dispozitat e paqarta do të interpretohen në dobi të palës tjetër.”

Vlerësimi i ekspertit është se në rastin më të mirë, kërkesat e dosjes për librezat janë

konfuze/paqarta, andaj interpretimi i tyre nuk duhet bie në dëm të operatorit ekonomik, përderisa është autoriteti kontraktues ai i cili ka hartuar këto kërkesa.

Bazuar në gjitha këto që u cekën më lart, mendimi ekspertit shqyrtues është se pretendimet ankimore janë të bazuara, dhe se vendimi i AK-së është marr në kundërshtim me pikën 5 të ankesit 1 të dosjes së tenderit.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si e bazuar, të anulohet njoftimi për dhënie të kontratës dhe rekomandon që lënda të kthehet në rivlerësim.

Raporti i ekspertit shqyrtues, lidhur me ankesën e parashtruar nga OE "LEDI SH.P.K.", lidhur me aktivitetin e prokurimit "Marrje me qera të kamioneve për grumbullimin e mbeturinave- Ritender- LOTO" me numër të prokurimit: "Vete Financim-23-12173-2-1-1, të iniciuar nga Autoriteti Kontraktues (AK) – K.Regjionale e Mbeturinave" Pastrimi " SH.A.

Raporti i ekspertizës ti dorëzohet:

- Autoritetit Kontraktues – **K.Regjionale e Mbeturinave" Pastrimi " SH.A.**
- Panelit Shqyrtues – OSHP
- OE ankues – **LEDI SH.P.K.**

Ilir Halili

